

REGULAMENTO DE RESERVAS E USO DAS PISTAS DE TENIS E PADEL DO CONCELLO DE SOUTOMAIOR

Artigo 1º.- Obxecto

Constitúe o obxecto do presente, a regulación de reservas e uso das pistas de tenis e padel, sitas no barrio da Montesiña (Soutomaior), ó abeiro do disposto nos artigos 4, 25, 84 e 85 da Lei reguladora das Bases do Réxime Local e 31 e ss. do Regulamento de Servicios das Corporacións Locais.

Artigo 2º.- Forma de xestión

O servizo de reservas e uso das pistas de tenis e padel realizarase en réxime de xestión directa pola Coordinadora Deportiva do Pavillón Municipal de deportes.

Artigo 3º.- Acceso e disfrute do servizo

1.- Tódolos/as cidadáns teñen dereito a acceder e a usar as pistas de padel e tenis en condicións de igualdade, con suxeición ás normas que contén este regulamento e ás instrucións que na súa aplicación diten os encargados/as da xestión do servizo.

2.- A utilización das pistas axustarase ás condicións da autorización e ós horarios aprobados.

Artigo 4º.- Condicións de uso e reserva, obrigas e responsabilidades dos/as usuarios/as

1.- As reservas poderán ser modalidade simple (1 hora) ou modalidade dobre (2 horas). Cada persoa non poderá reservar máis de 1 hora diaria (modalidade simple). Para a modalidade dobre (2 horas) deberá facerse a reserva a nome de dúas persoas. As reservas poderán ser prorrogadas si ó finalizar non existe demanda da instalación.

2.- Ó facer as reservas de pistas, deberá comunicarse o nome e apelidos do/a solicitante e acompañante (este último só no caso de modalidade dobre), facendo constar si están ou non empadroados no Concello de Soutomaior .

3.- As reservas de pistas poderá realizarse para o mesmo día e para o día seguinte, que se ampliarán ó terceiro ou seguintes si estes son festivos.

4.- Os/as solicitantes e acompañantes non poderán reservar pista para dous días consecutivos có mesmo horario, nin reservar pista de padel e tenis para o mesmo día.

5.- Non poderán realizar unha segunda reserva ata finalizar a primeira.

6.- Os venres poderán reservarse para o mesmo día, para o sábado, domingo e luns.

7.- As reservas dos/as menores de idade deben realizalas presentando unha autorización firmada polo pai/nai ou tutor/a (válido ata a súa

revocación) e deberán, para acceder á instalación, estar presente unha persoa maior de idade que se responsabilice deles durante todo o tempo que permanezan no interior do recinto.

8.- A reserva de pista farase de forma persoal e dentro do horario que se estableza, do seguinte xeito:

- Setembro a xuño no Pavillón municipal de "A Montesiña".

- Xullo e agosto na caseta de Turismo do Peirao de Arcade.

En ningún caso se farán reservas de pista por teléfono.

9.- O pago das taxas correspondentes implica o uso das instalacións polas persoas para as que foron emitidas. Estas persoas serán as responsables do uso da instalación.

10.- Para Tenis no interior do Pavillón Municipal aplicaranse as tarifas da propia instalación.

11.- Os/as menores de idade empadroados terán unha bonificación do 50% no prezo das taxas en horario diurno (sen necesidade de luz artificial) sempre que tódolos/as que ocupen a pista sexan da mesma condición de idade e empadroados.

12.- Para usar estas instalacións será obrigatorio o uso de roupa e calzado deportivo adecuado. Non está permitido xogar sen camiseta ou en bañador.

13.- Cando se celebren cursos ou campionatos organizados ou patrocinados polo Concello, as reservas quedarán supeditadas ó desenrolo dos horarios de ditas competicións.

14.- Transcorridos 10 minutos da hora prevista na reserva da pista, si esta non foi ocupada, entenderase que renuncian á mesma (sen dereito a devolución de taxas), podendo adxudicarse a un/ha novo/a solicitante.

15.- É obrigatorio conservar e mostrar, se lle é solicitado polo persoal da instalación, o recibo de reserva de instalación deportiva.

16.- Cando para o uso da pista sexa necesario a entrega da chave da instalación, deberán depositar unha fianza de 5 € que é recuperable si se devolve antes dos seguintes 10 días. En caso contrario, perderase dito depósito. A fianza renovarase ó solicitar novamente reserva de pista.

17.- En horario nocturno, deben de solicitar, xunto coa reserva, a ficha de encendido das luces artificiais.

18.- Cando se atope aberto o Pavillón Municipal poderá facerse uso dos vestiarios e aseos.

19.- No interior das pistas, só poderán permanecer un máximo de 4 persoas, excepto cursos e escolas deportivas.

20.- Os/as xogadores/as soamente poderán introducir nas pistas bebidas (non alcohólicas) en botellas de plástico.

21.- Queda prohibido (dentro das pistas) fumar, comer e o consumo de chicles, pipas e similares.

22.- O Concello de Soutomaior declina toda responsabilidade por accidente, que poida sobrevir pola práctica deportiva (que non estén encadrados nas "Escolas Deportivas) nas súas instalacións.

Coa solicitude de reserva de instalación deportiva os/as usuarios/as aceptan baixo a súa enteira responsabilidade ou a dos seus pais ou titores/as, no seu caso, o risco que puidera derivarse da práctica deportiva.

DISPOSICIÓN FINAL

En todo o no previsto neste Regulamento estarase ó disposto tanto no Regulamento de Servicios das Corporacións Locais, como en calquera outra disposición con competencia na materia.

Este regulamento entrará en vigor logo de que se publique enteiramente o seu texto no Boletín Oficial da Provincia e transcorra o prazo de quince días a que se refiren os artigos 70.2 e 65.2 da Lei 7/1985, do 2 de abril, reguladora das bases de réxime local.

Soutomaior, 17 de novembro de 2008.
O Alcalde,

Agustín Reguera Ocampo

Aprobación definitiva polo Pleno: 27/11/08

Publicación anuncio exposición pública: BOP nº 247 de data 22/12/08

Publicación íntegra: BOP nº 47 de data 10/03/09

Entrada en vigor: 28/03/09